



Broj: 06-1-07-1-63-1/26

Sarajevo, 15.01.2026. godine

Izborna komisija osnovne izborne jedinice - svi

PREDMET: Javni poziv za prijavu kandidata za predsjednike/zamjenike predsjednika biračkih odbora

Centralna izborna komisija Bosne i Hercegovine je dana 15.01.2026. godine, objavila javni poziv za prijavu kandidata za predsjednike/zamjenike predsjednika biračkih odbora, koji će biti otvoren 15 dana, do 30.01.2026. godine. S tim u vezi potrebno je da izborne komisije izvrše sljedeće radnje:

- a) kreiraju saopštenje za javnost, primjer saopštenja je u prilogu ovog akta, objaviti na web stranici izborne komisije
- b) polijepiti navedeno saopštenje za javnost na svim mjestima predviđenim za plakatiiranje u osnovnoj izornoj jedinici, na ulazu u grad/općinu, u mjesnim zajednicama
- c) proslijediti navedeno saopštenje za javnost lokalnim radio i tv kućama, koje budu željele da u svojim programskim šemama, objave to saopštenje
- d) u dogovoru sa dekanima visokoškolskih ustanova, polijepiti navedeno saopštenje za javnost, na svim mjestima predviđenim za plakatiiranje u tim ustanovama
- e) u dogovoru sa odgovornim osobama u ambulantama, domovima zdravlja, apotekama i drugim zdravstvenim ustanovama polijepiti navedeno saopštenje za javnost na oglasnim tablama tih ustanova
- f) provjeriti sa rukovodiocima javnih ustanova i preduzeća te polijepiti navedeno saopštenje za javnost na oglasnim tablama tih ustanova
- g) provjeriti sa rukovodiocima privatnih preduzeća, tržnih centara, restorana, ugostiteljskih objekata i svih drugih mjesta gdje se birači skupljaju da se nalijepi navedeno saopštenje za javnost na oglasnim tablama ili na ulazima u te objekte
- h) izborna komisija treba da, u okviru svojih mogućnosti, gostuje na što više mjesta na kojima se nalaze navedena saopštenja za javnost i promoviše poziciju predsjednika/zamjenika predsjednika biračkog odbora, kako bi se na javni poziv prijavio što veći broj birača.

Nadalje, izborna komisija će biti u obavezi, da svim kandidatima koji se prijavljuju po javnom pozivu, ovjeri Izjavu o ispunjavanju uslova propisanih u članu 2.3 i 2.19 stav (2) Izbornog zakona Bosne i Hercegovine, Izjava kojom kandidati potvrđuju svojim potpisom da nisu politički aktivni. Nakon što kandidatu ovjeri Izjavu izborna komisija će istu kopirati i kopiju dati kandidatu kako bi uz ostale dokumente mogao skenirati i dostaviti Centralnoj izornoj komisiji Bosne i Hercegovine putem aplikacije „Elektronska obrada biračkih odbora“, dok će original zadržati kod sebe do isteka roka po javnom pozivu za prijavu kandidata. Poslije toga će izborna komisija sve originalne izjave dostaviti Centralnoj izornoj komisiji Bosne i Hercegovine, a evidenciju preuzetih izjava će dostaviti putem excel tabele u kojoj će biti sva imena i prezimena kandidata koji su ovjerali izjavu, na e-mail adresu mustafa.lakovic@izbori.ba najkasnije sedam dana nakon okončanja roka za prijavu kandidata za predsjednike/zamjenike predsjednika biračkih odbora. Ovim putem želimo istaći da je ovo veoma važan zadatak koji je postavljen pred Centralnu izbornu komisiju Bosne i Hercegovine i izborne komisije, te da od kvaliteta obavljenog posla

umnogome će zavisiti kvalitet narednih izbora, zbog činjenice da prijavom većeg broja kandidata za pozicije predsjednika/zamjenika predsjednika biračkih odbora postoji veća mogućnost da se putem obuka izvrši selekcija kvalitetnog kadra.

Isto tako vas obavještavamo da se u aplikaciji ne nalaze kandidati koje su izborne komisije kod provedbe Lokalnih izbora 2024. godine, unijele u aplikaciju „Elektronska obrada biračkih odbora“, kao i kandidati koje je osoblje Centralne izborne komisije Bosne i Hercegovine unijelo u aplikaciju „Elektronska obrada biračkih odbora“ na osnovu dostavljene dokumentacije od izbornih komisija za provedbu prijevremenih izbora za predsjednika Republike Srpske, a koji su bili imenovani na pozicije predsjednika/zamjenika predsjednika biračkih odbora za navedene izbore. Potrebno je da izborne komisije prozovu te kandidate i da ih obavijeste da su obavezni, ako žele, da se prijave na otvoreni javni poziv za prijavu kandidata za predsjednika/zamjenika predsjednika biračkih odbora. Navedenu radnju je potrebno izvršiti iz razloga što Centralna izborna komisija Bosne i Hercegovine, samo kroz prijavu kandidata na javni poziv, od kandidata dobiva e-mail adresu i kontakt telefon, a što je izuzetno važno kod provedbe narednih obuka koje Centralna izborna komisija Bosne i Hercegovine planira izvršiti putem platforme za obuku gdje će sva obavještenja kandidatima biti proslijeđena putem e-maila.

S poštovanjem,

Dostaviti:

- Naslovu,
- a/a

Predsjednik

Jovan Kalaba

